

一
是
紀
始



一
卷
紀
略



壹是紀始地形類卷之二

荆南新化祝亭魏崧著

地以里計始於神農

帝王世紀自天地初闢未有經界之制三皇尙矣諸子稱神農之王天下地東西九十萬里南北八十五萬里河圖括地象八極之廣東西二億三萬三千里南北二億三萬一千五百里夏禹所治四海內地東西二萬八千里南北二萬六千里關令內傳天去地四十千萬里天有五億五萬五千五百五十里地亦如之各以四海爲脈廣雅天圓南北二億三萬

三千五百里七十五步東西短減四步周六億千萬七百里
二十五步從地至天一億一萬六千七百八十一里半下度
地之厚與天高等孝經援神契九州凡九百十萬八千二十
四頃磽确不墾者千五百萬二千頃此九州田畝數也天學
初函地體之周以天度計之當得九萬里地以二百五十里
爲一度又以徑一圍三計之其厚當得二萬八千六百三十
六里零百分里之一

分州始於神農

史外紀人皇氏相厥山川分爲九區謂之九有人居一方其

時尚未以州名也管子神農氏作植五穀洪山之陽九州之民乃知穀食而天下化之黃帝畫壘分州得百里之國萬區以分星次舜十二州較焉貢多幽并營爾雅九州有幽并營無兗青梁周禮職方氏有幽并無徐梁

輿地圖始於神農

春秋元命苞神農世白阜圖地形脈道注白阜爲神農圖畫地形通水道之脈周禮大司徒掌建邦之土地之圖職方氏掌天下之圖周知利害管子幼官篇注幼官圖第九有五方本圖有五方副圖戰國策蘇秦說趙王曰以天下地圖按之

諸侯之地五倍於秦後漢有司空郡國輿地圖漢孟先禹貢治水圖一卷

地理志始於堯

左傳楚左史倚相能讀九邱孔安國書序九州之志謂之九邱邱聚也言九州所有土地所生風聲所宜皆聚此書也劉敞曰九共九篇共當作邱顧野王曰此堯時制周禮誦訓掌道方志以詔觀事達四方之志注若魯大庫之庭殺之二陵漢班固有地理志

戶籍始於周

周禮宮伯掌王宮士庶子凡在版者注版名籍也以版爲之
今鄉戶籍謂之戶版史記秦獻公初爲戶籍相伍

行程圖始於唐

唐馬敬實有諸道行程圖一卷

地形志圖始於隋

隋大業拾遺大業中重修十郡志成一千二百卷卷頭有圖
敘山川則卷首有山水圖敘郡國則有郭邑圖敘城隍則有
公館圖其圖上山水城邑題書字極細

方分東西南北始於燧人

太乙金鏡昔燧人氏仰觀斗樞而定方名東西南北是也

地名山川名始於人皇

項峻治書人皇氏出於提地之國提地國名外紀人皇氏相
厥山川分爲九區人居一方厥後鉅靈出於汾睢蜀山居於
瞿上

名山核數始於禹

五藏山經五篇禹曰天下名山五千三百七十六萬四千五
十六里餘小山甚衆不足記出水之山者八千里受水者八
千里出銅之山四百六十七出鐵之山三千九百六十管享

凡天下名山五千二百七十出銅之山四百六十七出鐵之
山三千六百有九墨子九州名川三百支川三千六典凡天
下水泉三億三萬三千五百五十有九其在遐荒絕域不可
得而知矣江河爲大川其餘百三十有五爲中川其千二百
五十有二水爲小川

定五嶽始於庖羲定高廣始於道書

拾遺記伏羲氏審地勢以定山嶽道書福地記云泰山高四
千九百丈二尺周迴二千里南嶽記曰朱靈之靈臺宿當軫
翼度應機衡高四千一十丈山海經華首之山西六十里曰

太華之山削成而四方其高五千仞其廣十里恆山郡縣在定州曲陽縣北一百四十里常水所出高十五里又東曰太室西曰少室嵩高總名卽中岳也山高二十里周迴一百三十里

五嶽建廟始於後魏

古祭五嶽爲壇壝而空懸後魏始置廟於桑乾水之陰唐則各置廟於五嶽之麓至宋則東嶽廟遍於郡縣

核水泉數始於唐

六典水部掌天下川瀆陂池之政令凡天下水泉三億三萬

二千五百五十有九其在遐荒絕域不可得而知

附禹治水人數書弼成五服至于五千孔氏注及正義王肅

云五千里者直方之數二千五百人爲師每州十有二師道計之一州用三萬人功九州用二十七萬

海防始於明

倭在東南海外順東北風而左則指大小琉球入閩廣順東南風而右則指高麗入遼左登萊順東風橫海而西則浙之寧紹嘉湖江南之瓜儀常鎮東漢初始通中國率以僧充貢使唐高宗永徽初更號曰本有年號明洪武初張士誠陳友

諒餘孽往往竄伏海外誘倭時寇沿海州郡始犯浙繼犯閩
犯山東上乃命信國公湯和自登萊抵浙又築近海五十九
城命江夏侯周德興築湖建近海一十六城嚴勅大將時出
汎峻防凡七鎮

河清始於漢

漢桓帝延熹九年濟陰東郡濟北平原河水清襄楷上言河
者諸侯位也清者屬濁者屬陰河當濁而反清者陰欲爲
陽諸侯欲爲帝也明年帝崩靈帝以解瀆亭侯入繼劉宋元
嘉中河濟俱清鮑照作河清頌隋大業三年武陽郡河清數

里十二年龍門河清越二年唐受禪是天啓聖人也京房易傳河水清天下平

壞九河始於管仲

鄭玄云齊桓公塞九河爲一河今河間高弓以東至平原鬲津往往有其遺處春秋緯寶乾圖云移河爲界在齊呂填闕八流以自廣言闕八流拓境塞其東流入枝并使歸於徒駭也詩緯齊桓塞其八流以自廣

趁墟始於周

鄭司農周禮注廛市中空地無肆城中空地無宅者卽今之

墟也說文市物邸舍曰廛卽今人浮鋪也

隄始於絲

程子曰河北只見絲堤無禹堤絲埋洪水故無功禹則導之而已

陂堰始於楚

意林孫叔敖作期思陂而荆土用贍水經注東北注白芍亭東積而爲湖謂之芍陂陂周一百二十許里在壽春縣南八十里言楚相孫叔敖所造理道要訣秦以李冰爲蜀太守造百丈堰灌田數千頃蜀以富饒

渠始於夏

史記河渠書禹以爲河所從來者高水湍悍難以行平地數爲敗乃醜二渠以引其河一渠其一出貝邱西南其一則漯川也貝邱河自王莽時流墨惟用漯耳

封堠始於黃帝

山海經黃帝遊幸天下有記里鼓道路記以里堆堠則起於軒轅

苑囿始於豸韋氏

莊子仲尼曰豸韋氏之囿黃帝之圃按豸韋氏在伏羲氏後

文選七命鳴鳳在林駟於黃帝之園注禮瑞命記黃帝齋於
宮鳳止帝園長編黃帝之時麒麟遊苑囿又湯作囿取禽獸
以奉宗廟

社始於神農

後漢郡國志注神農始爲社管子輕重戊有虞之王封土爲
社置木爲閭使民知禮也淮南子夏后社用松殷社用石周
社用栗

放生池始於梁

南史梁武帝時謝微爲放生文見賞於世宋世人生辰多以

放鳥鶴爲壽坡翁詩記取金籠放雪衣自注杭人以放鶴爲
太守壽

壇始於黃帝

管子黃帝問伯高對曰山其榮者封而祭之距封十里爲一
壇

雷壇始於明

明嘉靖二十一年九月帝用方士陶仲文言作雷壇

池沼始於黃帝

黃帝內傳帝破鯀尤而爲池沼初學記潘岳關中記曰昆明